

PROGLAS FRONTA SLOBODE

- Svjesni da politike koje su vodile ratove '90-tih, sada potpomognute Europskom Unijom, svakim danom sve više osiromašuju i destabiliziraju region, promoviraju etničku podjelu i rasnu diskriminaciju, dok i dalje krađu javno dobro;
- Istrajni u borbi protiv terora politike nejednakosti koju provode političko-vjerski moćnici podržani mafijaškim kapitalom a koji upravljaju životima svih ljudi u zemljama bivše SFRJ;
- Odlučni da se jedinstveno borimo u ime jednakosti za sve ljude a ne kao žrtve nacionalnih politika ili promotori oportunih pojedinačnih interesa;
- Suprotstavljeni politici revizionizma koja nekažnjeno provodi posljednju fazu genocida, poput nedavnih izjava Milorada Dodika o masakru na tuzlanskoj Kapiji, osude Ilije Jurišića i rehabilitacije rasističkih snaga koje stoje iza Holokausta i genocida danas;
- Potaknuti politikom nejednakosti Europske Unije, kojom se i dalje getoiziraju Bosna i Hercegovina i Kosovo u viznom režimu, a koja hvali i nagrađuje otvoreno priznavanje nemoći pred naletom jačajućih militantnih rasističkih snaga, što dokazuju nedavna dešavanja u Srbiji;

DONOSIMO

Deklaraciju Fronta slobode

1. Front slobode ujedinjuje sve slobodne ljude koji se na sve legitimne i dokazane načine bore za slobodu i jednakost a protiv agresivnih, represivnih i rasističkih politika vandržavnih, državnih i međunarodnih organizacija i aparata moći.
2. Front slobode solidariše se sa svim obespravljenim i osiromašenim u cilju postizanja slobode, pravde i jednakosti.
3. Front slobode usmjeren je na razvoj otpora svim vrstama ugnjetavanja i nasilja a posvećen je širenju prostora slobode u cilju pravednije budućnosti za sve nas podjednako.
4. Front slobode poziva sve koji dijele ove ciljeve da skupa provodimo konkretne lokalne i međunarodne akcije u svim vidovima javnog života.
5. Front slobode stoji u ime prava i obaveze da se u borbi protiv fašizma na vatru odgovori vatrom!

Tuzla, 2. oktobra 2009. godine